

中醫新刊

第十一期

中華民國十八年二月出版

▲中華郵政特准掛號認爲新聞紙類第四六八號▼

本期目錄

- 衛生部批示.....
- 擬上薛衛生部長駁汪企張書..... 廣東余國全
- 讀葉心佛先生的「中醫學院聽講記」..... 陳淮亭
- 梁任公小便出血之西醫誤治..... 莊雲廬
- 神經之研究..... 徐炳南
- 冷卷與熱病..... 沈仲圭
- 如皋醫學報之精華(一)..... 王宇高
- 讀「史氏病理學」..... 董庭瑤
- 論風熱不制之目疾..... 姚和清
- 中醫治病能察情西醫治病惟知形..... 毛衍春
- 王註內經之質疑..... 王宇高
- 往來函件.....

甯波中醫協會常務委員編輯

國民政府衛生部批 字第二號

原具呈人寧波中醫協會

呈一件爲中醫更名舊醫請求迅予更正恢復原名由

呈及附件均悉查本部所發十一種調查表以新舊命名中西醫用意在使統計時易於識別以求正確之統計並非法定名詞該呈所云侮辱實屬誤會仰即知照附件存此批

中華民國十八年一月二日

薛篤弼

擬上薛衛生部長駁汪企張書

廣東余國全

子良部長先生公鑑。竊醫藥以能療治疾病，備養人生爲主旨。原可無計夫新舊。亦可無分夫中西。業醫者應各精益求精。明益求明。并應對政府貢獻鼓勵奮勉之道，以重民生。不願狂言相非。互相排擠。若照泰西文明立國之精神。及我革命政府力求自主之主義。尤應發揚固有國粹。不應舍己私人。聽鼻食肉。乃閱各報載汪企張上鈞長書。對於我國舊醫。攻擊不遺餘力。鄙見認爲根本錯誤。本不值一駁。第於中國舊有醫藥。關係我中華民國之民生，至重大且大。鈞長職掌衛生。對於我國固有國粹醫藥學。負啓發鼓勵之責任。用敢將其謬誤之點。臚列指出。以正觀聽。伏維詳察焉。(一)查汪企張上鈞長書。全篇着意在舊醫不可於衛生行政部內參與一席。以爲舊醫所宗經典方書。係帝王專制，拘束思想之遺物。難以移應目下時勢所造之建設。夫舊醫之是否可以移應目下時勢所造之建設。當以舊醫學理藥物，是否可以療治目下民衆之疾病爲前提。而不在是否爲專制帝王拘束思想之遺物。且我國最先發明醫學者爲炎黃。炎黃雖稱帝王。係當時執政者一種名號。並不拘束人民思想。亦並不如後來稱帝王之專制。苟以舊醫曾經逾近千百年專制時代。卽無論如何。均應屏棄。則現在秉國鈞者。如胡漢民譚延闓蔡元培諸院長。亦是滿清專制拘束思想科學時代之人。何以能作革命導師。爲目下建設主幹人才。汪企張之父若祖。亦係滿清專制拘束思想之人。企張當然是專制帝王拘束思想之遺物。何能有裨憲國。以專制時代拘束思想之人。則可爲目下革命建設之人。而曾經過專制時代之國粹醫學。則以爲與目下建設圓柄方鑿。背理不經。謬誤一。(二)謂舊醫故步自封。獨尊墨守。不解變通。目下衛生事業。非溫故振舊之謂。查我中國醫學。自炎黃以至張仲景王叔和。及最近之葉天士薛生白吳鞠通王助臣等。不下百數十家。對於病症。各有發明。以補前人所未盡。用藥處方。亦各具新法巧思。獨出心裁。何曾舊步自封。若謂沿用甘草陳皮各種原質藥物。不盡變爲製成化學藥品。遂謂爲舊步自封。不知變通。則試問汪企張所用之醫法藥品。是否能一一舍去前人所用醫法藥品之範圍。如不能脫此範圍。亦猶是故步自封。何得執以相非。若謂守他人之故，振他人之舊則可。守祖國之故，振自己之舊則不可。在此革命時代。力求自主之中華民國國民政府統治下。不應有此癡狂之主張。謬誤二。(三)謂舊醫多涉玄虛。哲人哲理。無非寓言寄託。備今所應用而可取者。僅歷來不知犧牲幾許生命之經驗諸方。夫既曰玄虛。有何經驗。既曰有可取。又曰經驗。乃必加以歷來不知犧牲幾許生命之危言。真是故息已極。試問病人服科學精製之藥品。是否均皆却病延年。若謂病人服食科學精製之藥品。有不能愈病，或致死者。乃醫生不善用科學藥品之過。則服經驗諸方，而不能愈病，或誤人生命者。亦何曾不是醫生不善用經驗諸方之過。於經驗諸方乎何尤。若謂係經驗遠死病人生命之方。有何可取。何可應用。如係經驗活人之方。斷無犧牲幾許生命之理。至謂舊醫繩墨下化。製選不精。附會雷同。每多僞造。試問所謂杜

學精製各藥品。有無偽造假冒，附會雷同，製選不精之弊。欲製某種藥品。使求精當程度。是否可以全無雜墨。此繩墨是否可以隨便變化。上述反質意見。如有理由。則故弄危言，亂世之視聽一語。汪金張應先任受。謬誤三。(四)謂明達志士。鯁馬變之。有提倡整理國產藥物之說。是當以科學證驗而精製之。未嘗不可貢獻人羣。誇耀世界。惜乎舊醫不知變通。此節尤為可笑。夫舊醫學理醫法是一問題。國產藥物是一問題。如果舊醫學理醫法屬於玄虛。則根本既以錯誤。藥物縱製造精良。何濟於事。若僅國產藥物精製後。舊醫便可貢獻人羣，誇耀世界。則汪金張如自問已經明達。已成志士。對於國產藥物。應發明如何證驗精製。即合科學方法。使業舊醫者得一導師。而盡了解變通之能事。吾知全國民眾。將永仰汪金張先生之發明。不僅舊醫界之甘拜倒門牆已也。否則。牛頭馬面。同是不成人形。何得稱讚舊醫為虎。謬誤四。(五)謂舊醫程度懸殊。流品最雜。士行淪為市侩。心焉恥之。然試問一二載藥董看護。公然自稱醫師。同得博士頭銜。醫術有無差異。如此流品是否不雜。程度是否不殊。在位者是否無須琢磨亭毒。企張之心。是否全無恥慚。又謂欲衛生部組織法令條文。一一執行而實現。至少須令舊醫界能具了解是項法令之智識。與循軌奉行之能力而後可。不知舊醫界外之醫界。是否應一一具有了解是項法令之智識，與循軌奉行之能力。抑或舊醫界外之醫界。無論如何。可以姑置勿論。處處偏諛。筆筆存私。謬誤五。(六)上文正謂宜獨其利己為我之心。互助合作。則國家地位。學術階級。自然超越。國粹可揚於外。下文則謂衛生行政部內。苟被舊醫參與一席。是與虎謀皮也。烏乎可。自相矛盾。莫此為甚。何也。企張如認舊醫所宗之經典方書。是我中華民國之國粹學術。則現在之業舊醫者。雖或學識淺陋。但政府負發揚國粹，造就人才之責任。企張果本匹夫有責之義。建白忠諫於黨國。應請政府對於舊醫。必如何提倡鼓勵而後可。使我中華民國固有國粹醫學。於鼓勵研究之中。真才輩出。發揚光大。化國際之醫學。而不為國際醫學所化。斯有誇耀世界之價值。豈有并衛生行政部內，亦不容舊醫參與一席。意存阻撓。不與舊醫以進步之機會。而擬為與虎謀皮。阻撓進步。即是有意開倒車。謬誤六。國全自醫館即隨父祖學習醫學。就二十餘年來經過之感覺。深知我中華民國舊有醫學。至今不如歐美醫學進化之神速。而每為昧昧者譏為玄虛。純由千數百年來政府，對於醫學，不加关注鼓勵。聽其自生自滅之過。蓋我國千數百年來，執政者。對於醫學界。不但加以鼓勵。甚且視為江湖術士。不可比美士林。且因政府無獎勵之故。為噉飯問題。雖得有一二了解明澈之真傳經驗。亦秘而不宣。著書立說者。亦由於問世而出。特具穎悟之聰明文學家。而非社會公用研究之進益。坐是之故。遂使我國醫學。不能進步迅速。綜觀歐美文明各國。對於醫生之尊重。藥學之鼓勵。歐美醫學日見進化。足證我國醫學之未能長足進步。皆係政府之咎。然專制時代拘束思想之愚民政策。已僅存過去遺恨之紀念。姑不深論。我國民政府本革命之主張。求自強之真諦。值茲統一告成。訓政開始。不以次殖民地未解民族自決之民衆為可棄。且百計喚起。千方領導。使之了解三民主義黨綱。以立自主自強之基礎。不以交通閉塞，滯

爲次殖民地之亞洲大陸爲可棄。而積極進行。鐵道公路。航海航空之措施。不以成爲次殖民地之直行文字爲可棄。而盡易爲目下列種橫行文字。且撥的款與學。仍以之乎者也。中國不能科學化。固有文字爲本。而以英法各國科學化之文字爲用。乃於立國數千年以來種族賴以蕃衍。信而有徵之固有國粹醫藥學。因專制惡政治未能進步之故。則不開振政治重心當軸諸公。有一提倡鼓勵者。嶺表愚民。竊所大惑不解。迴憶春夏間。舊醫界王一仁丁仲英謝利恆蔡濟民諸先生。曾向蔡元培院長。請求將中醫列入學系。以爲鼓勵醫學之先聲。蔡院長答稱現在中國醫學。不要求列入學系。你們自行研究。待有規定後。再來呈請列入可也云云。聆悉之下。以爲國家設立學制統系。乃陶冶民衆。使循軌道。與學術精進之作用。未聞有待莘莘學子。自行研究。有規定後。方定學制之理。正擬爲文請求解釋。以開茅塞。惟以丁王謝蔡諸先生。未嘗將此談話登諸報端。以致無所憑依。因而中止。近聞醫界春秋第二十九期社刊。登載與鈞長往返電文。雖屬空言酬應。然虛懷謙衷。溢於言表。足令我民樂於親上。而願資竊聽。此國泰所見報載汪上張上鈞長書。認爲訛謬。有意阻撓促進醫學之行政。而敢於曉瀆也。竊以各民族學術進化與否。皆以各民族政治作用注意與否爲斷。鈞長如視舊醫確具衛生功能。上述意見。不盡荒謬文飾。敢請對於舊醫特別鼓勵。明文優獎。以資興發。符合開揚國粹主旨。而盡衛生行政職責。或認舊醫絕無衛生功能。業舊醫者儘是殺人謀生之害羣惡劣份子。上述意見。概屬危吠。亦請明令指摘。使業舊醫者幡然了悟。及早改業。免爲中華民族遺羞。萬望勿存官場敷衍故技。毋愧革命政治本色。曷勝屏營拜禱之至。專此敬叩政進。

讀葉心佛先生的「中醫學院聽講記」

陳准亭

嗚呼。吾中醫之在今日。真是倒運之時。不論外國博士。確有科學的學識。卸一班足不出國門。自命新人物。實則無所謂新。不過耳食之輩。對於哲學與科學之別。真如粟麥之辨者。亦多傾向西醫。如蠶之集繭。蠅之逐穢。茫茫然異口同聲說道。西醫真好。中醫真不好。問其理由。則率爾對曰。西醫是科學。中醫非科學而爲哲學也。一若此理真是金科玉律。千真萬確。所謂鑽之不移。一定不易也者。試再問其何謂科學。何謂哲學。科哲之由來與結束。究竟如何。則瞠目不能對。真所謂莫測其妙。然

則此輩之重西輕中。不亦盲從瞎說者乎。然而吾中醫竟被其受了不少打擊。真所謂是倒運之時也。

惟吾中醫正交倒運之時。所以贊成者只身受其益。曾有病而賴吾中醫所治愈。或被西醫所治壞。而賴吾中醫所救命者而已。此等實心贊成中醫者。在現社會尚有十之八九。然而只肯藏諸於心。而不肯宣諸於口。即或肯宣諸於口。却斷不肯筆諸於書。所以代表輿論之新聞界。亦多不肯以隻字片句。贊吾中醫。此其故非他。實則現爲科學之世界。科學爲最出色最時髦之名詞。要爲

現時代之人。出筆非帶些科學色彩。便是落伍。便不能風行一時。所以前可心不明科學。筆則不可不寫科學。當可有病時請中醫治病。筆則不可不說西醫優而中醫劣。嗚呼。新開界是代表全民之輿論機關。乃亦如是。此真吾中醫交倒運之日也。

噫……哈哈。今日何日。乃見報上——上海時事新報。十七年十一月十八日。夫凡先生所編之青光欄內。載有葉心佛先生所著之「中醫學院聽講記」一文。所講者係遊學巴黎之法國博士張鳳先生。此真奇矣。

張博士所言扼要言之。(一)中醫日在進步之中。未嘗見有退步。尤其在現世。而有猛進的趨勢。(二)中醫有一部分是合哲學。乃是進步的過程中必經的階級。蓋先有推論。然後能得有結果。(三)古人稱巫醫。稱醫卜星相。在當時都是某種階級之人。專有之學問。概由有知識者任之。在地位上。並不卑汗。(四)在古時五行有支配一切之勢。不僥醫學受其影響。文字學經學亦受其影響。(五)傷寒論有系統。漸入科學之途徑。(六)中西醫不必衝突與辨論。只要認清醫學是實學。是民生實用之學。(七)中醫當快創造新的器械。與改造舊有習慣上之用器。及仿造西醫應用必需之件。

觀張博士所言。則贊成吾中醫。博士乃法國留學生也。近執教鞭於滬南大夏二大學。當然飽有科學之智識。乃竟贊成吾中醫。真所謂鳳毛麟角。絕無僅有者也。

張博士既宣諸於口。乃又有葉心佛先生筆諸於紙。且加意見曰。「張博士所言。洞見微結之所在。尙望中西醫界諸子。平心

靜氣一讀」。是葉先生竟亦贊成吾中醫矣。此真是所謂黃河百年一清者也。

贊成吾中醫。張博士既宣諸於口。葉先生又筆諸於紙。然苟夫凡先生。主青光之筆政者。不准刊布。是亦不能布衆而行遠。乃夫凡先生竟亦付登報上。是亦贊成吾中醫矣。難得難得。真真難得。噫……哈哈……今日何日。吾中醫之運轉乎。否運將去。泰運將來乎。誠令人愉快無比。

但是勿論何事何人。處否運難。處泰運更難。否運之難。不過吃些苦味而已。泰運則風雲際會。正當有為之時。苟不力圖自強。坐失時機。於心有愧。於事無益。是烏乎可。故處泰運之難。確較否運。難上百倍。

喂！喂！吾中醫界同人。不必再愁眉百結。今日有張博士葉先生與報館主葉夫凡君。都贊成吾中醫。出諸於口。筆諸於紙。宣傳諸於報章矣。吾中醫自強自新。自求改良。自求進步之時機至矣。其速興也。其速興也。來……來……大家及時自強。

梁任公小便出血之西醫誤治

莊雲廬

上海時事新報。十七年。十二月。二十五日。青光欄內載。仲君所作之梁任公小便出血之病源一則。如左。

「梁任公小便出血。北平協和醫院。三年前。認為病在腎。遂割去其一。而小便出血如故。體益衰弱。今年病愈加劇。

仍入協和醫院。再檢驗腎臟及其他部分。均不得其病源之所在。後經協和醫學校一教授。名Robinson者。瑞典人。為歐洲有名之醫學者。應該校一年之聘。來授講義。非院醫也。檢驗結果。遂斷定病源在肺部之一種微菌（乃菌而非蟲絕非癆病結核）。出其所收集之醫案。以示羣醫。得一九二五年。英國威士康遜省。有三人患此病。情形與任公一一相同。此菌乃人身所常有。向來醫學界視為無足重輕。及身體衰弱。為患乃大。此三人在其結果。一痊一死。一至今未死亦未痊。曾以該三人之痰。注射於小動物之身上。無甚影響。此次該教授以任公之痰。注射於一小兔上。翌日即發熱便血。第三日死去。解剖之前。見兔之骨節。已為此菌所蝕。乃知任公於一月前。自覺左邊一肋骨痛。病源乃在此菌。三年前之便血病源。亦在此菌也。現以碘酒能殺此菌。服之已有微效。然尚無把握。倘早斷定。則治之較易云。

詳此所載。西醫之誤點有三。其一。病在腎。即將腎割去。斷手截足。固是西醫兒婦人身之慣技。然則病在心。亦將心割去乎。病在肺。亦將肺割去乎。昔者華陀。曾剗關公之臂。後遇曹操頭瘋。又欲剖腦。操大怒曰。腦可割耶。汝欲殺我耳。遂置陀於獄。尋死獄中。此非陀之誤也。陀實欲殺操也。是三年前西醫之割腎。桑任公獨不悟耳。不然。任公被割後。何以病不少痊。而至今加劇。且今日瑞醫斷為不存腎。未知三年前施割腎手術之醫生在否。其亦自知其為誤否。其二。百病在菌。乃目前西醫之自誇而騙人處。然瑞醫既以任公之病在肺部微菌。與英國三人相

同。何以英國三人之痰。注射於小動物。則一無影響。任公之痰。注射於兔。獨能發便血症乎。此其理由。亦宜細為研究。况英國三人之病。在瑞醫既自以為得其病源。然何以痊者只三之一。不痊者有三之二。其不足信也。不較然明乎。見兔之骨。略有所蝕。便以為任公之肋痛。亦係微菌所蝕。然任公已三年。何以至今始被蝕哉。且菌係植物。非動物也。安能蝕骨哉。其三。用碘酒以求殺菌。碘酒之性猛烈。久病之臟腑。未知能勝任與否。恐菌未盡而人已死。任公其危乎殆哉。

夫小便出血。亦極尋常之病。吾中醫之治愈者多矣。古人之詳其病理與治法者亦多矣。今據何夢瑤醫案中。所載者以證。小便出血。痛者為血淋。不痛者為溺血。不論何臟之血。但損傷妄行。皆得滲入膀胱。與尿同出。血淋用歸尾牛膝赤芍玄胡車前澤瀉。鑿金山極細寄奴等。溺血用六味加車前牛膝。或腎氣丸。若不與尿同出。乃從精竅出也。多因色慾而成。用牛膝四物湯或珀珠散。

嗚呼。梁任公亦一學者。無書不讀。何獨於關於性命最切要之醫藥。曾不少為留心。以致委身蠻醫。生殺予奪。任其上下哉。雖然。豈獨任公一人哉。吾知時後之名公鉅卿。博學碩士。必多駢首接踵。斷送於西醫之手矣。痛哉痛哉。吾中醫雖盡其良心。大聲疾呼。其如彼之不悟何。其如彼之不悟何。

神經之研究

徐炳南

照目前常識而推測。思想情感意志以及一切知識。皆關係於腦神經及神經系統。同時亦可知修學時是腦筋起一種活動作用。這大約多數人總有些知道的。一切知識既出於腦神經。然腦神經及神經系統究起何種變化及作用而始創出新知識。關於這一點。却不可不考察一下。

照組織而論。神經構造之單位。是神經細胞。最初神經細胞。發源於外胚葉。後經細胞生殖機能。由一分裂成二。由二而四而八。集合多數。該細胞滿佈全身。而組織成神經系統。

腦神經與腦底部相連絡。腦髓是一種膠狀物質。在頭蓋骨中。有一層厚膜包繞。名曰腦衣。保護腦漿液者也。其底部有一條神經纖維。細成如長索狀。從脊骨而下。名曰脊髓神經。由這條線索。從而邊枝生。發出三十一對神經。分佈全身。遂成全部神經系統。

普通細胞。具下列五種之機能。(一)敏感性。(二)收縮性。(三)新陳代謝性。(四)傳導性。(五)生殖性。而神經細胞無新陳代謝性。因細胞有通例。凡高貴部份之細胞。若經變壞後。無補償機能。反之低卑處。破壞速而補足亦速。如髮鬚皮膚等等。故腦及神經。一經破壞。畢生無復生之工能。因其性質較細胞為高貴也。神經細胞第一種之特性。是接收外來的感觸。第二種是傳導性。譬如一個神經細胞。

一端受刺激時。立刻就能應響到第二個細胞。一直到全身神經細胞。第三種是善於變化底能力。有許多活力的組織。在一定程度中。多是善於變化。俞人元說。人類的相貌。便是善於變化的東西。假使一個人常常裝恨怒的容顏。就會變成一定的相貌。這就是顏面神經變化底緣故。關於這一點。是醫學上最重要的意義。神經系統既有這種變化的能力。雖是一種單一的感觸。也足以發生極大的變化。我們的記憶之所以能夠保存。其基礎完全是當初吸收時之神經細胞變化底緣故。

各部份的神經。都是互相聯絡。如聽覺視覺嗅覺。又如心臟消化器等各感覺管。皆有神經纖維分佈。這些神經細胞末端。在脊髓上相匯合。然後再入腦髓中。各器管皆有神經。所以各器管有所感覺。就能傳達其消息到腦子裏去。因此可知腦髓機能。一方面是接收感觸的報告機關。一方面就是傳出發號命令。去催促各器管做工作。

我們常思察某項事件時。正是神經系統底運動。這神經運動。大約可證神經細胞間的變化。學上的變化這種變化可稱之曰神經流(Nervous Energy)。神經流沿着神經細胞之速度很大。其發生不在一個單獨細胞上。必有許多細胞通力合作。神經流從甲細胞流到乙細胞的部份時叫接關係。關於這接觸的真實情形。雖不能知道。但是很重要的。因為神經流若到甲細胞止步。而不能通過乙細胞。那乙細胞就不能起化學上的變化。因是這一部細胞的變化功能。就不能發現出來。思想之所缺乏。正是神經流不能通過多數細胞之故。

這個接觸。大約可作一扇活門看待。人初生時。這活門常常關閉着。只有營養作用的一部份開。及至受外界環境之影響。才漸漸放鬆了。這活門開愈靈敏。思想愈豐富。反之愈不能開。則思想愈遲鈍。而知識愈缺乏焉。所以修學是一種在腦神經中築成通路的工作。人之所以有新思想新智識者。就在腦髓細胞裏面。產生幾許變化出來。有一部份的人。只能應付少數環境。就是少數神經細胞作最簡單的聯合的運動之故。

據上所述。已知人之思想及記憶。是神經流起變化之故。我們每當思索一件難的問題時。總是十分吃力。常覺困難。這就是神經的抵抗。結果便是惰性。這時所以困難者。因為那時神經系統中。尚無相當的通路。以通過關乎此項研究的神經流。正是去另開新路之時。不要因困難而終止。極力去開關。總能開得通。要克服的抵抗。就是要打掃乾淨惰性。我們要學到思想蓬勃。左右逢源。也不是難事。只要反覆練習。開熱通路。那神經流自然可以通行過去了。因為神經細胞是善於變化。所以多習就有效了。

冷瘧與熱病

杭州沈仲圭

西醫治療熱病。除內服解熱藥外。並用冰囊瘧病者之身。設備完美之醫院。更有空氣甚寒之室。使病者居其中。以彌胸膈之煩熱。而助藥物之不逮。此正符吾國醫經「熱者寒之寒者熱之」之古訓。原為熱病正當之物理療法。乃淺識之士。輒譏笑之。不敢輕試。不知是法吾華四千年前已發明。素問五常政大論曰：「行

水漬之和其中外可使必已。漬。浸也。言患熱病之人。當浸其身於冷水中。以除其熱。則病可立愈。本草綱目云：「傷寒陽毒熱昏昏迷者以冰一塊置臍中良」。臍中。在兩乳中。以冰瘧病人之臍中。猶西醫用冰帽瘧病人之額上。則其法較諸古昔。更為進步矣。今且述一古事。以證冷器對於熱病。確有偉效也。昔有程元章者。家本富有。僕婢甚衆。一婢曰梅香。忽病寒熱。醫治不愈。越數日。大熱如焚。口渴喜冷。胸次煩熱。手足躁動。粥飲不進。神志昏憤。元章謂不可治。屏入屋旁茅亭。以待絕命。明日天未曉。聞叩扉聲。羣謂鬼物。莫敢啓。婢曰。我梅香也。病已無事。乞即歸家。乘其首果然。乃啓門。驚問其病何以而愈。婢曰。昨日午夜。夢見一黑物。將濕泥草帽覆我身。環繞三四匝。便覺心下開豁。四肢清涼。全無所苦。始知身在茅亭中。蓋茅亭傍池。池中多魚鱉。梅香於上年浴佛日。嘗購一大鱉於池中。含濕泥草帽覆其身者。卽其所放之鱉也。圭按梅香所患。乃陽明熱證之症。陽明者。胃也。胃之迷走神經。上通於腦。腦被熱灼。故現神志昏迷。手足躁動之象。據症論治。自以清熱為第一義。外覆濕泥。亦退熱之一法也。事雖奇突。理實可信。泚筆記之。告我同志。

如皋醫學報之精華(一)

王宇高

十七年十二月十三日。如皋醫學報主筆陳愛棠先生。惠函內開「宇高主筆先生大鑒。久仰宏名。時深景慕。無緣晉謁。恨也奚如。幸於報端。時讀鴻篇。不啻如親履教。聊慰私衷。啓者

貴刊第九期代郵欄。見載有執事致啟社啓事一則。承囑將丹君雪峯所著之『五臟生理之研究』全文檢奉。先生虛懷若谷。採及芻蕘。不勝榮幸。茲將啟社近數年出版之報。一同寄上。統希檢收。藉以就正有道。但內容殊欠精采。緣啟社同人。研究西醫者少。縱有僅得皮毛。欲圖改進。誠不易易。非若貴報。融貫中西。語多精警。嘉惠醫林。實匪淺渺。與西醫辨駁處。尤覺有聲有色。為中醫界放一異彩。評論各報。乘董狐之筆。更屬難能可貴。讀之令人拍案稱快。欽佩欽佩。願先生以中醫前途之危險為念。將我國固有之內難金傷。用科學原理。詳細註釋。刪其費解之處。不必曲全其說。編成有系統之講義。使人人了解中醫真理。與其他神祕哲學迥異。庶中醫有光明之日。不難駕西醫而上之。先生以為若何。並希時賜教言。匡其不逮。為禱。順頌撰安。教弟陳愛棠謹啓。等語。愛棠同志之所謂宜以科學原理。解釋內難金傷。確係當務之急。宇高嘗以兩相對照。相合者十之五。勝於現世科學者十之三。錯誤而為附會空想者十之二。容暇自當有以貢獻一二。愛棠同志所惠贈如泉醫報。自十三年起至今。如數見示。宇高誦誦之下。愛不

忍釋。爰就管見所及。僭為論列如左。惟關於張錫純先生著作。已得專集。當另行討論。茲不贅述。

▲第二年第一期(十三年十一月六日出版)

陳智樹君以淫家不可一概忌汗。引金匱之麻黃加朮麻合煎諸方為證。確有有見。淫家忌汗之說。為熱多濕少者之恐燥藥傷液而言。亦為發汗過猛過速而貽後患而言。固未可為霧露之濕。

由上而下，由表而裏，閉塞毛孔，擴張皮膚者言也。即以西說論。腎之分泌多而排洩少。以致滯滯之淋巴管充塞太過。溢於皮肉者。亦宜以發汗藥。向皮膚上驅逐之。以治其標。然後再用利尿治腎以治其本耳。

▲第二年第二期(十三年十二月六日出版)

張壽頤君謂素問陰陽別論陰陽虛腸辟死之辟字。為辟積之辟。義因積滯。與莊子辟翳光之辟字不可。後人加水傍作腸滯誤矣。此頗有見地。蓋痢疾無不由積滯而起也。若以西說言之。痢疾有二。一為桿菌。一為阿米巴原蟲。然亦以驅逐下之為宜。惟積滯宜下。謂為腸辟亦可。

陳漢堂君之臨產喘腫治驗。服藥而胎下。已受傷矣。此非喘腫之傷胎。乃胎死之喘腫。所用之方。真武合瀉肺。製附片二錢。土炒白朮三錢。茯苓三錢。白芍三錢。半夏三錢。廣皮錢半。桂枝水炒防己三錢。炙甘草五分。薤白子一錢。乾薑八分。大棗三個。二帖而死胎下。喘腫愈。蓋扶元氣以逐害物。此理則非西醫所能知矣。

▲第二年第三期(十四年一月四日出版)

季少三君之用平胃加朴硝。下死胎而退喘腫。是直接治法。與前期陳漢堂君之用真武合瀉肺。治法異而收效同。此種變化。其吾中醫之獨長乎。

王道昌君之師所用葱豉湯加減。淡豆豉三錢。葱白三莖。大豆半錢半。杏仁三錢。浙貝二錢。滑石三錢。嫩前胡一錢半。薄荷尖三分。江枳殼錢半。深得烏比附後之秘。可法也。

▲第二年第四期(十四年三月四日出版)

張山雷君以疝與癩聚。疝脈之病。為男女所共有。不得分屬。足破世惑。不過人之病者。男多疝而女多癩聚耳。若以西說證之。癩聚者癩癧也。疝者腸下墜也。就形質論。較易觀察。

▲第二年第五期(十四年四月二日出版)

劉蔚楚君之治小兒疳積使結。方用關東箭芪一兩。油歸身二錢半。杭芍三錢。砂仁一錢。升麻三分。煎成開甘遂末六分。服後大瀉益。腹痛痛止。再用箭芪五錢。歸身一錢。砂仁五分。雲茯苓錢半。炙鷄內金錢半。數服後。用補益資生丸。每日二次。每次研丸一錢。以開水泡廣皮開服。吾人用異功合下藥者。用當歸補血湯合下藥。劉君之獨見。且實較勝也多矣。蓋疳積而至便結。其血液必傷。異功非所宜。補血為必要矣。

石海千君治風水。用麻杏甘膏合五皮。較越婢為稍穩耳。

▲第二年第六期(十四年五月二日出版)

陳鶴堂君用前中發氣湯治子宮脫出症。吾亦嘗用之。確有奇效。蓋升提而收縮。東垣其亦深明物理學乎。

▲第二年第七期(十四年五月十一日出版)

何廉臣君謂中醫之無進步者。由於不欲變不知變。此言適中肯綮。故步自封。不知溫故而知新。更不知採新以證舊。前人之覆轍如是。吾輩其可復蹈乎哉。

▲第二年第八期(十四年六月二十日出版)

沈仲圭君論沐浴之原理。明確可愛。足為衛生運動之宣傳。爰錄其全文曰。『人體由數多細胞。集合而成組織。更由數多組

織。相集而為臟器。以行生活作用。其一舉一動。一言一笑。莫不賴於組織成分之酸化。而生活力。但酸化一多。廢物生焉。此種廢物。非僅無益。而且有害。故必放棄於體外。放棄之道有三。

。在上曰肺。在下曰腎。在全身曰皮膚。緣各組織產生之廢物。隨血液以運行。流至肺。藉呼吸以吹去之。流至腎。賴小便以排泄之。流至皮膚。由汗腺以發散之。夏令之汗。冬日之白屑。即組織因酸化而生之廢物也。與空塵埃相併。即成污垢。黏附表皮。設不勤加沐浴。以除去之。則纖小之汗腺。為其填塞。而一條排泄之路斷矣。此路既斷。血中廢物。轉輸於腎。假道小便而出。則與上論口腔不能盡責。以致胃腸成病。正復相同。是故怠於澡身。為釀病之大原。而勤浴乃衛生之要着也。竊謂吾華養生諸書。備言不可數數沐浴者。當指熱水浴而言。蓋熱水浴溫度太高。一則血行失常。心臟易病。二則汗出溼溼。陰血易耗。三則浴時溫度高而毛孔張。浴畢出外。忽觸風寒。多致感冒。故一般衛生家。咸認熱水浴為不宜。僅用療病而已。至言沐浴之益。猶不止除垢一端。凡血行之促進。體溫之增加。疲勞之恢復。精神之爽快。何莫非其功用耶。』

▲第二年第九期(十四年七月三十日出版)

張亮生君治小兒痰閉症。用皂莢三寸。麻黃三分。石膏二兩。杏仁三錢。竹瀝二兩。生羅卜汁兩盞。枇杷葉五片。此症西醫所謂毛細氣管炎。確屬險症。此方正係特效之藥。惜服者不敢用耳。

▲第二年第十期(十四年八月廿八日出版)

葉勁秋君謂所謂陽氣者。即人體內熱力之原動力也。故凡曰陽虧者。即熱力不足也。凡曰陰虧者。即水液不足也。惟水液不足。則不能克制熱力。而熱力自旺。亦惟熱力不足。則欠靈動之效能。而水液有餘矣。此解陰陽。合乎科學。洵非誣也。

江雋侯君引金鑑刺灸心法篇。引難經肝之為臟。其治在左。其臟在右脅右腎之前。並胃著脊之第九椎。證明古人早知肝之在右者。足使彼西醫無從哭我不明解剖。

▲第二年第十一期(十四年九月二十七日出版)

劉蔚楚君述電氣治療之反使手足痿廢。與吳採萊蒺藜之足以治痿廢。夫電氣能助細胞之動力。故實症最宜。虛症則反有害。西醫則智不及此也。至於草藥之有特效。為吾中國之獨有。亦宜研究取用。

▲第二年第十二期(十四年十月二十七日出版)

沙健菴君論舌甚妙。曰「舌為心之苗圃矣。足少陰腎脈挾舌本。腎主液。賴腎水濟心火。以爲轉舌之用。又足太陰之脈。迎舌本。散舌下。賴太陰之潤。以濟陽明之燥。凡此皆指舌本也。若舌之有無。全憑胃氣。單論心。於義不備」。又曰「察舌辨表裏寒熱易。辨虛實難。此理不可不知」。又曰「古人於表證初起。多不措意舌苔。以邪氣在表。舌苔如常也。傷寒論於柴胡證始言舌苔。其故可思也」。

▲第三年第一期(十四年十一月二十五日出版)

陸晉笙君所述之外導通便三法。溼化熱結。用豬胆汁和醋少許。津潤燥結。用蜂蜜熬條。搽皂角末。寒冷閉結。用蜜與鹽與

草烏末。是可知較勝於西醫之只用皂水者多矣。第器械須借用耳。

▲第三年第二期(十四年十二月二十五日出版)

沈仲圭君之友人所論鮮薑與冬瓜二味。可為濕溫暑溫之主藥。其言冬瓜。淡寒清利。既可通肺氣。亦可調水道。無壅滯之患。有利溼之能。合青蒿之解暑清熱。的為善藥。惟須大劑多服。屢試不爽云云。吾鄉於暑月茶飲。單用鮮青蒿泡汁。確能解暑。毫無反應。冬瓜更所常服。於熱痢亦嘗用之屢效。

▲第三年第三期(十五年一月二十五日出版)

劉蔚楚君治黃疸所用古方加減法甚佳。一茵陳蒿湯。用茵陳蒿四錢。去梔子。加甘草稍八分。麻黃二錢。細辛白芍各錢半。水三碗。煎至碗餘。後下大黃二錢。自謂治陰黃。既有茵陳附子湯。溫脾行水。余治外寒。獨不可加麻辛以發汗行水乎。此深得仲景之心法。

▲第三年第四期(十五年三月二十三日出版)

王洪海君諸病在臟之研究曰。「夫諸病在臟欲攻之。當隨其得而攻之。此臟字不能專指臟腑之臟。蓋臟者藏也。凡邪之所在。皆謂之藏。此攻字不能專指攻瀉之攻。蓋攻者治也。凡治之所出。皆謂之攻。言不論傷寒六經之邪。五方八風之氣。皆須有是症即用是藥。不可株守經言。執死書以困活病也。故下文即其按曰。如渴者。與豬苓湯。如不渴則非豬苓湯。從可知矣。餘皆倣此一語。為全條最宜着眼處。誠以上三語皆無的確推廣之必要。得餘皆倣此一語。則渾身麟甲。恢恢乎無涯際矣。曲暢旁通。顧

在學者眼尤何如耳。讀古人書。非獨其雙眼不可。洪海君可爲師表矣。

▲第三年第五期(十五年三月二十一日出版)

笑鳩君謂昔人於臥病時。即在胸前。頻以手書死字。則百般思慮俱息。此心便得安靜。勝於服藥。此心理治療法也。人之可知覺神經。爲各臟器細胞之長。當各細胞起變化而欲行補償之際。苟腦神經過於興奮。使細胞無暇幹補償工作。故病難痊。吾友張道明。嘗言其尊人錫堂先生。當少年病損。醫者束手。先生自甘其死。遂書死字數百張。貼室內牆壁皆滿。舉目四顧。圍其身者俱係死字。遂安心研讀醫書。久之醫理通而病亦愈。今先生尚健在。且較尋常肥健也。

▲第三年第六期(十五年五月二十七日出版)

張壽頤君謂「五臟生存篤色見青如草莖者死。莖字當作莖。從二玄。今本作莖。譌也。王啓玄謂莖莖也。如草初生之青色也。說文莖爲草木多莖。啓玄已屬杜撰。且果如其說。如草初生之青。則草綿柔嫩。潤澤異常。昔人所謂草色如油者。正其生意盎然。鬱鬱葱葱之象。何可反以爲將死之色。馬元臺註則曰。如草之滋汁。其色沉天。添一汁字。亦從王註而敷衍爲之。亦是杜撰。且草汁之色。亦未必沉天。張隱菴則曰。莖莖席也。莖草者。死草之色。青而帶白也。爾雅釋器。席爲之莖。隱菴雖用爾雅舊話。然席以乾草爲之。已無青色。於義實不可通。乃復以死草之色。青而帶白爲之。申明一句。須知乾草色白。豈經文青字本意。故爾謂從二玄之莖。凡從玄之字。皆有黑義。草色而莖。方是

青中多黑。黝黯陳腐。晦滯不明。所以爲其人將死之朕兆。脈要精微論亦言青欲如蒼壁之澤。不欲如藍。此藍是染色。即今之靛。深青黑黯。望之如墨。但覺晦濁。全無精神。與此節草莖同義。亦可借作旁證。辨正古人之訛謬。有功於醫林不少。

俞鑑泉君謂「現下醉心西學者。謂食物入胃。均入血管。無某物入某臟之理。是無氣分血分之別也。竊謂人身無處無氣。亦無處無血。血管中有氣。血管外亦有氣。於是有氣中之血。即有血中之氣。氣自有氣之路。血自有血之徑。今如砂透入胃。即作爽適之噦氣。軍丑入胃。氣即下趨。納酸味即覺脘腹氣斂。納辛辣味即覺脘腹氣熱。氣弱而納香散。即覺中氣之不支。胃寒而納苦寒。即覺泛逆而作噁。此皆不數秒鐘。即自知覺。不待其物質之吸入血管而始知覺也。至若食豕肺而益肺。食羊心而補心。更自有據。古聖以獸中五畜之性爲馴。不比狼豺野心。故人可常食。食羊肺豕心。其實雖渾入血管。而臟腑之氣味。確以組織之相似。竟同氣以類聚。有特別之感應焉。彼徒講血管者。何不思之。大都不論食物藥物。均分氣味質三種。各物經入胃之後。氣味先行。質次之。常見藥不對症者。入口之後。即起反對之狀況。古書謂藥性一週時轉者。非週一日之時也。非然者。則飲必須週一日之時而後解渴。食必須週一日之時而後始飽。不且殊感困難耶。古人覆杯而愈。確有其時。此一席話。頗有研究之價值。

▲第三年第七期(十五年六月十九日出版)

俞鑑泉君證明傅育主帶分五色屬五臟爲不謬。甚屬合理。其言略云。「西醫帶病爲局部的子宮及陰道內之病。然女子行經。

月必一行。帶多則經少。甚則經停。是帶者經之反常者也。其綿綿而下之濁質。無非一血之所化。所下之地雖在子宮。而所以成此濁質者。以血之源頭不清故也。五臟之組織。各一其狀態。各一其功用。各一其氣化。大小動靜與微細各血管。貫經絡。達臟腑。一氣流行。實未分道揚鑣。祇以一臟有病。氣化不潔。致天然清潔之血源。經過有病之臟。其病氣滲渾合於血管之中。於是五臟氣化形色之理。再參以色脈。而推測其發於何臟。確切可信。照此用藥。亦常有效。』

笑鳩君所輯治乳癰之方。蒲公英三錢。金銀花二錢。生甘草一錢。陳酒煎服。此方之妙。在以酒煎。西藥之用酒者甚多。故見效極速。

▲第三卷第八期(十五年七月十九日出版)

西醫以腦神經為知覺運動之主。中醫以運動在腎。腎主髓。足骨無髓則不能行走。手骨無髓則不能作事。不過腦為髓海耳。雖手足等骨內之髓。雜有血。油膜。與腦髓不同。實則髓初無二。因穿膜附筋而行。故有血。油膜相連也。知覺在心。心主神。腦之名為神經。實由心所主也。不獨腦為所在地耳。時逸人君腦髓說之文。確有價值。

讀『史氏病理學』

董庭瑤

史氏病理學。美國病理學家史滕閣氏所纂著。英國醫士孟台理氏所編譯。中國東陽張希武與北通陳佐亭二醫士所筆述。中華民國十七年一月。由中國博醫會再版發行。吾讀之。覺其理多

有可採而足以證明吾中醫者。隨筆記之。以便就正有道。

人體當遇熱時。皮之毛細管即舒張。皮面出汗。令熱速行散失。若遇冷則肌或自震顫。以增生熱之功。且皮之毛細管收縮。使熱不易散失。如遇過度之寒暑。則身體不足以抵抗之。即成病矣云云。此足以證明吾中醫傷寒之用溫熱。濕熱之用寒涼。為得科學之本旨。桂枝麻黃之發汗。為熱能開閉縮之毛細管。連翹石膏之退熱。為寒能閉開張之毛細管也。誰謂藥無寒熱。吾中醫用藥。以寒熱溫涼為標準者之非耶。

頭顱被擊。雖骨未損。然腦或受震。而人昏迷。其昏迷之故。或因腦多處之毛細血管破裂。或因腦一處之大血管受傷。或因腦之官能紊亂云云。吾嘗見擊犬者。擊斷足脚。猶猶狂吠。若向頭上一擊。即仆地而昏。百試百驗。又吾之學生俞盛賢。頭被木擊。視之並未損傷。而人即昏迷。逾時甦。甦而發躁。不久便死。是可信腦部之血管易破。破而甚險。有如此者。

人類受熱過久。則必中暑。每顯腦膜充血。或水腫。或發炎。其故因熱直達於腦膜。或因新陳代謝異常而生毒質。致有害於腦膜云云。是與吾中醫。遇夏日行烈日下而猝仆。脈象虛弱為中暑者暗合。至用滑石六分。甘草一分之六一散治之。清涼下利。能使腦膜所充之血下行。併排洩新陳代謝異常所產之毒質。其著手成春者。夫豈偶然。

受冷之結局。與被燒略同。初遇冷時。血管收縮。而組織欠血。迨後血管之壁癱而舒張。致組織充血。白血球由血管穿入。則該處之組織腫甚。而壓迫血管。致血難運行云云。是亦可證明

吾中醫之受寒則發熱。寒極則為熱者。

各病之近因。多為細菌。蓋身體受冷後。抗細菌之力弱。身內之細菌。遂乘機致病焉云云。此實吾中醫冬傷於寒。春必病瘟。冬不藏精。春必病溫之確解也。蓋所謂冬者冷也。所謂溫者。身體受冷後。血管由收縮而難。由難而舒張。致組織充血也。又一切急性傳染病之總名也。所謂精者。體內抗菌力也。內經二種病溫之原。即所謂人被冷而抗力弱。細菌即得成病是也。前人解此。泥定冬為十一月。春為正二三月。且以伏氣附和。實屬不合。

空氣壓力增大與減少。及空氣不足。均能病血循環云云。此亦足證明吾中醫氣為血帥之理為不誤也。

吞食砒霜。成為急性砒中毒。其胃腸粘膜之發炎。較甚於磷中毒云云。吾醫聞人以食砒謀自盡者。多腹痛難忍。其即胃腸粘膜發炎之故乎。又聞有七竅流血者。不知何故。

食物中毒。易使胃腸炎。致人嘔吐。腹痛。瀉洩。精力虛脫云云。吾中醫消化食積中。如檳榔樹皮山查厚樸等。多有殺菌解毒之功用。雖不能直接退胃腸之炎。然已去其本矣。

營養缺乏。先損害者。為脂肪組織。故身體必消瘦。營養過度者。必肥胖。多食脂肪性及糖類尤然云云。吾國向謂飢黃骨瘦。即脂肪組織不足也。又謂飢民為有菜色。只有植物性之菜色。其無動物性之脂肪形狀可知矣。吾又嘗見肥胖者。多喜食肉。是可知其肥胖由多食脂肪而來也。

痛風之病理解剖。關節之軟骨及結締織中。屯積尿酸鈉之品

。其品結成塊。名曰痛風石。其石其有穿皮而出者。以致組織發炎而硬化。腎肝心亦易硬化。動脈顯粥樣化。心瓣亦發慢性炎。其形狀與吾中醫風寒濕雜至而成痺。寒勝為痛痺。風勝為行痺。濕勝為著痺何異。乃彼以為新陳代謝之病。然於尿酸鈉之由來。與其所以積於關節。軟骨之故。尚未明悉。是可知其果否新陳代謝之故。尚未能確定也。吾人苟能於風寒濕雜至成痺上。再加以進一步之研究。或能發西醫之未發乎。

生活素A關係於骨組織。生活素B關係於神經組織。生活素C關係於血組織。然人之生活。不僅賴骨血神經三種。是可知生活素亦不僅ABC三種也。是尚待於發明乎。至於ABC不過代名詞而已。故又有以甲乙丙代之。所謂維他命甲維他命乙維他命丙是也。究與吾中醫之用金木水火土為代名詞者何異。不知自反。而惟責人。今之自名新醫者。其亦太不恕乎。

身體發熱。雖為生理異常。但未過度。既使細菌易死。又使血循環及呼吸皆快。易排出身內之毒。不無裨益也云云。吾中醫之治風寒濕諸外感症。用溫熱藥。使之發熱。以便化邪外出者。豈有悖於科學乎。

血之運行。雖由於心房心室有節律之舒縮。及動脈壁之舒縮。並靜脈並阻所限。吾以為其主腦則在肺張而收血耳。肺主氣。故吾中醫曰。氣為血帥。氣不足則血滯滯。故又有活血先運氣。血脫先補氣之治法。乃史氏謂呼吸作用不足。為血循環異常之輔因。恐差以毫釐乎。

人仰臥則血墜積於背及臀處。致皮理青色。而組織多被血滯

所浸潤。惟皮受壓之處欠血而現白色云云。吾人日常多坐。而腎部常冷。其亦此故乎。

心功過度。則血循環過速。其由係操作過勞。此完全吾中醫之老僧常談也。

人苟無大病。或出血後。而致局部貧血或充血。其理必由血之來路受阻。此部充血。則必他部貧血。此部貧血。則必他部充血也。吾意如此。未知然否。

動脈充血則發炎。故色紅。溫度高且略腫。靜脈充血則顯脂肪性變。故色紫。溫度低。雖亦腫。浮而不實如水腫。其分別明確。可補吾中醫之不及。

血友病者。有時無故出血。或略受傷。竟出血頗多云云。此等病象。吾嘗聞知二人。其一見清代頂上名士全祖望先生傳略。祖望先生之兄。極聰慧。祖父愛之篤。幼時。偶小指略受傷。大出血不止。竟以夭殤。其祖哭之慟。此古人也。近又聞趙師盈九先生謂曰。吾孫兒。年五歲。甚穎悟。一日。小指偶被割。視之僅皮傷。然出血甚多。不久即如浴於血池者。百計醫治。幸而止。過數日。創口又大出血一次。小指有多大血管。且傷處並不深。何以有出血如此之易與多哉。吾意此即所謂血友病。得於遺傳性者乎。惜未嘗問其凝結度高低。如凝結果費時極緩。其即血友病乎。此等遺傳性血友病。吾中醫則未之知也。

血栓梗塞。使血流瘀滯。甚或血球四溢。此種研究所得。較吾中醫瘀血症更進一步之矣。

水腫由於血中有水分與膠類。滲出血管壁外。而入淋巴管而

成。其則白血球亦有滲出者。似與吾中醫不同。然中醫水腫最忌鹹味。是避其鹽類也。用藥多利小便。是促進腎臟分泌機能。以排洩既離血管之水分也。又多主脾弱。而用助脾藥。是亦與脾主造白血球之意合也。

膽之出竅被阻。則膽之鹽礬歸血。致成肝性黃疸。若劇烈。則腎小管被梗塞云云。是可知吾中醫治黃疸之用茵陳利小便法。所以通其腎小管也。用梔子柏皮與茵陳大黃等。所以通其膽之出路也。誰謂仲景法不合科學哉。

凍瘡屬於乾性壞疽。而非濕性壞疽。然凍瘡有不潰爛者。只現棕色腫塊。及春暖自復常者。謂之乾性壞疽可也。又有潰爛而流膿水者。其所謂限局的濕性壞疽乎。

死後則動脈多收縮。而血壓至毛細管及靜脈。後隨地心之攝力而墜下。於身體及各器官之下份。均充血而現紫色云云。人之死後。吾未嘗剖視。然於豬羊等則吾嘗見之。死後解剖。除心下膈膜內有血外。則他處皆潔白不見血跡何耶。

死後之體溫與屍僵。史氏並未言及其有關。就吾所見。則體溫尚在者。其屍不僵。及體溫退後。按之冷入骨。則僵矣。故吾謂屍僵與體溫有關。

屍之腐敗。由腐敗細菌。腸內含此菌最多。故先腐敗云云。然細菌屬植物性。屍之腐敗。必生蟲。有大如糞蛆者。蟲屬動物。與細菌不同。意屍之腐敗。由於腐敗蟲類乎。

組織被毒素等所刺激而發炎。自細胞趨集。以噬毒素。故發炎亦自衛之道云云。吾中醫治瘡毒之法。分陰性陽性二種。陽性

者用丹皮桃仁銀花等解毒退炎之藥。蓋直接驅其所激刺者也。陰性者用黃芪參朮桂附等補胃助脾之藥。蓋間接驅其所激刺者也。何以言之。陽性者。即白細胞之力。能噬滅激刺之毒素。用藥與之夾攻。使白細胞不必多來。因過多反礙赤白血球之運行。有後患也。其意實欲代白細胞驅毒。故曰直接。陰性者。即白細胞之力。不能勝於毒素。以致膿化壞死。全身之白細胞又羣集相攻。又不能勝。脾為白細胞之製造局。前方劇戰。需械孔亟。此時所憂。在於局所衰廢。用芪參朮附。所以助局而使之製造迅速。出品衆多也。故曰間接。以是可知吾中醫治法。確有至理存也。

組織再生之目的。乃補償已被滅處之欠缺。組織愈靈敏。而病者年歲愈高。則再生愈不易。組織愈不靈敏。而病者年歲愈幼。則再生愈易。結締組織或骨之再生。或能完全。作用亦能恢復。論及腺性器官。其間質再生固易。而主質再生則較難。縱能再生。其作用亦多不完善。至於神經系統組織。其再生之能力。較他組織尤少云云。吾中醫外科之有抽膿潰肉藥。即使增生其結締組織也。傷科之有接骨法。即使增生其骨組織也。內科之用黃芪建中與炙甘草湯之治胃病。用歸芍七味之治痢疾。即使增生其腺性器官也。至於神經組織。不易增生。亦不易破壞。於少年之腦筋靈敏。如有注入。便終身不忘。與腦既眩暈。或健忘後。便不易再復元狀。即可證明其切實不誤矣。

(未完)

★
★
★
★
★
★

論風熱不制之目疾

姚和清

目經云。人之二月。猶乎天之日月。若麗照當空。宗陽赫赫。日月之光輝如炬。此天氣清明者也。若四時不調。風雨更迭。形雲密布。二曜為之遮蔽。經所謂天明則日月不明也。夫人之目。受五臟六腑之精氣上注而能明。故視線瞭察。遠射無遺。精彩炯炯。是為無病之目也。若寒暑不調。臟腑受傷。飢飽不勻。脾胃受損。氣血循環。遽起變化。風邪乘之。赤脈貫於黑輪。白睛腫於瞳神。遂失光明。經所謂邪害空竅者也。內經曰。赤脈從上下者太陽病。從下上者陽明病。從外走內少陽病。從內走外者少陰病。太陽病宜溫之散之。陽明病宜寒之下之。少陽病宜和之。少陰病宜清之。此蓋舉其大綱者也。今試言風熱不制之目病。思此症者。往往目失光明。終身殘廢。豈不大可惜哉。特誌之以與同志者討論焉。夫風為百病之長。善行而數變。入於肌腠則及經脈。或為熱中。或為寒中。或為偏枯。或成積聚。或入腑而生。或入臟而死。邪氣淫佚。不可勝論。金匱云。夫人稟五常。因風氣而生長。風氣雖能生萬物。亦能害萬物。如水能浮舟。亦能覆舟。若五臟元真通暢。人即安和。客氣邪風。中人多死。然風有輕重。病有淺深。風有暴和。暴風數起。則名木多死。和風一布。則到處皆春矣。如素冒風寒。不避暑濕。邪中於項。乘虛循系。攻於目而生目病者。此風襲於外者也。因風生熱。久熱不散。感而自生。是為內發。風熱相搏。其目驟起變化。風加頭痛。風加臉胞腫脹。風加涕淚交流。頻頻如雨。風加鼻塞。風加腦

巔沉重。風加肩骨酸疼。或痛或癢。畏日忌明。祇能俯首。不能仰上。或未服藥而翳即生者。或誤服藥障亦遂之而起者。其翳或如雲霧。散縷於眼球黑輪之上。或如絲如縷。或如秤星。一點或三四點而至數十點者。或併而如螺蓋者。或服寒涼藥過多。脾胃受傷。或有風痰阻於胸膈。清陽下陷。濁陰上升。而為黃膜上衝者。初則熱甚者。以芍藥清肝散。待熱勢少減。即以勝風羌活湯進之。每獲效果。如胸膈有風痰者。必以瓜蒂散以吐之。宿痰淨盡。則星翳黃膜悉去無餘矣。然此症赤脈翳從目系上下者。又有目系從下上者。亦有從內走外者。從外走內者。但視之相之寒下等法。則不可同日而語矣。然治此症必要先明經絡。對證投藥。效如桴鼓。所謂翳自內皆而出者為手太陽。足太陽受邪。治在小腸膀胱經。加蔓荊子在羌活勝風湯主之。或翳從外走內者為足少陽。手少陽三焦手太陽小腸經受邪。加龍膽草藥本。少加人參羌活勝風湯主之。或從抵過而上者為手太陽受邪。治在小腸經。加木通五味子羌活勝風湯主之。或翳自目系而下者為足厥陰手少陰受邪。治在肝經心經。加黃連倍加柴胡羌活勝風湯主之。星翳初起。或以辛涼解表。微苦洩熱。亦為治目病之要劑。或以地元湯除風泄熱。去星翳以止淚明目。或如賽鍼散能消聚星併而為旋螺翳障者。但太陽病固可以溫散矣。陽明病固可以寒下矣。少陽病固可以和解矣。少陰病固可以瀉矣。然而亦須審證察色。辨脈驗苔。四診全備。應溫散則溫散之。應和則和之。應清則清之。應寒下則寒下之。庶幾無誤藥之弊。不然。不應溫散而溫散之。不應寒下而寒下之。不應清而清之。不應和而和之。是抱薪救火。

援溺以水。執方而不為方所囿。好古而不泥於古。是為活潑之法。繩墨能以人規矩方圓平直。而不能使人以巧也。膠柱鼓瑟。刻舟求劍。何足與語醫術哉。

中醫治病能察情西醫治病惟知形

毛衍春

內經云。人以天地之氣生。四時之法成。是以人之生長壯老。無不賴此無形之氣以育之。有是天氣。以資吾人之呼吸。升降出入。合而若一。則身心交泰矣。是知天有空氣。以化寒熱溫涼。而人身感應之。地有山海江河。人體亦然。如經所謂：『風氣通於肝。雨氣通於腎。六經為川。腸胃為海』又云。『人身之玄機。幽然而運行。循環無已。週而復始。無不應乎天道』。及其病也。亦緣空氣使之不和故耳。為醫者察其變化而施治矣。西醫之學術。豈能精察是理哉。經又曰：『藏守形上守神』。守神者察其無形之空氣。任何變動。及臟腑氣血之多寡。從何所發。守形者象其有形之臟腑。部位之高低。器物之作用而已。殊不知萬病皆生乎氣。氣者無形之可徵也。不知氣之所變。惟知病之所在者。亦不足為貴也。中醫立法用藥。無不取攻氣和氣之理。故稱為醫道。西醫以割割注射。研究形質。故名為醫術。由此觀之。中醫有精深之研究。方無執一。西醫無明達之變化。治尚拘執。譬之同一急病。邀吾中醫治療。臨診之時。必察其素體之強弱。得病之原因。病性之動靜。量其補瀉。順其四時。壯實者治以急攻。使邪氣速退。虛羸者法以緩和。俾正氣漸充。而邪乃自滅。此中

醫之治法也。西醫治病則不然。其治法也。不察其因。不知變化。不顧臟腑之虛實。不惜生命之可貴。且診時好忽曰。此某病也。以某藥治之。其所用之劑。概以猛烈。症實應猛者。其効固速。似實虛者。一經誤投。不可生矣。故余曰。中醫者忠醫也。西醫者險醫也。

王註內經之質疑

王宇高

▲上古天真論篇第一

虛邪賊風，避之有時二句。王冰註時為八節之日。及太一入從之於中宮朝八風之日也。此註吾不謂然。豈八節等日外。均可不避哉。所云躲避之有時。非避之有日也。何得拘於日者之說哉。吾意虛邪者。邪從虛入。謂於人當酒後房後以及一切勞動後。則元氣已虛。宜慎之又慎。以免中邪。而進一步之解。則人當於一切飲食起居工作。務宜適可而止。不可使元氣有虛。以招外邪之來也。賊風者。自然界害人之物。如夏宜避炎陽，冬宜避風寒，食宜避腐敗，衣宜避垢汗，行宜避傳染病發現之處。以及其他等等是也。歐美學者却病之法有二。一保全體內之抗毒素。二掃除自然界之細菌與原蟲。與此二句。有以異乎。

上古有真人者。窺挈天地。把握陰陽。中古之時有至人者。和於陰陽。調於四時。其次有聖人者。處天地之和。從八風之理。其次有賢人者。法則天地。象似日月。辨列星辰。逆從陰陽。分別四時。此節所謂天地陰陽日月星辰四時八風等等。無非自然界諸物之代名詞而已。近世文化。所謂科學者。無非研究自然界

種種物理化學耳。人生亦自然界諸物之一。不可不研究自然界種種。果能將自然界之種種。研究透底。於人之生命。自有壽康之道。是可知古之真人至人聖人賢人也者。亦早已用力於自然科學矣。王冰智不及此。對於天地陰陽等字。視為神奇高遠。荒誕解去。殊覺不當。

▲四氣調神大論篇第二

被髮緩形句。被髮為緩形之一種。不過因春時自然界之萬物。當生動發陳之際。人體亦自然界萬物之一。體內一切細胞。亦隨之而生發變動。故孩童身體之發育。每在春時。衛生家於此。自宜宜緩一切身上之束縛。如衣服不宜太小。束帶不宜過緊之類。所以不限體內各種細胞之生發變動而已。乃王冰着述於被髮二字。謂春氣發生於萬物之首。首字根於髮字。真所謂死於句下者。其何可以註活潑潑地之內經哉。

逆春氣則傷肝。夏為寒變。逆夏氣則傷心。秋為痰濕。冬至重病。逆秋氣則傷肺。冬為陰泄。逆冬氣則傷腎。春為痿厥。此四逆字。不過違背不合之意。逆春則肝病。逆夏則秋病。至冬則重等句。不過就其時令之近而言之。春去夏來。病因在春。病狀至夏。當然之事也。秋病不愈。至冬更重。亦舉一例之意。推之夏病不愈。則至秋亦更重。冬病不愈。至次年春亦更重也。王冰於此等字句。亦太拘執。逆春必註為反行秋令。逆夏必註為反行冬令。逆秋必註為反行夏令。無非其意謂秋金克春木。冬水克夏火。夏火克秋金耳。可與之至。惟其於逆冬之遺字。不敢復用五行生克之說。註為反行長夏濕土之令。亦自知事實不符也。然終

不能脫出五行生克之窠臼。而註為反行夏令。與道秋之逆同解。吾知其必以為長夏在夏字範圍矣。至於冬至重病句。王冰又不知為舉一例之言。其餘三時。可以類推。反註為冬水勝火。故重病於冬至之日。如信其說。則水克火。病亦宜痊。如何反加重哉。冬至二字倒裝句法。即對於冬時之意。王冰乃以冬至之日解之。作為節候之日。殊太穿鑿附會。

天明則日月不明。邪害空竅。陽氣者閉塞。地氣者冒明。此四句皆言自然界變化之現象。談不到人體病理上。乃王冰註為陽為天氣。亦風熱也。地氣為溼。亦寒濕也。風熱之害人。則九竅閉塞。邪害之為病。則掩翳精明。又以日月為兩目。以己所提出之精明二字。硬生嵌於日月二字之上。甯不可笑。如信其說。則風熱之害人。熱高汗多。精液液澀之病居多。未見其必為九竅閉塞也。霧溼之害人。腫脹痛泄之病居多。未見其必為兩目掩翳也。然則其說尚可通乎。

道者聖人行之。愚者佩之。此佩字宜改作悖字。遠逆於道。故為愚人。乃王冰註為愚者性守於道。故佩服而已。若能佩服。尚可謂為愚者哉。

▲生氣通天論篇第三

因於寒欲如運樞句。亦係病狀。即不爽之意。乃王冰註為因天之寒。當深居周密。如樞紐之內動。是以如運樞三字。作起居避寒解。文義不通極矣。

陽氣者煩勞則張。精絕。辟積於夏。使人煎厥。此辟積於夏四字。王冰不能解。去辟積二字不註。只從夏字着想。謂當於夏

時。使人煎厥。殊屬不妥。吾意辟字當作譬字解。積字當作積文陽蓄積病死之畜積解。夏字作陽氣之盛極解。言陽氣畜積譬如夏日之鬱熱也。故使人煎厥耳。

高粱之變。足牛大丁。此足字醫林皆知作能字解。因久食膏粱厚味。則脂肪質過多。鬱滯發熱。足能生行有餘矣。乃王冰又拘於足字。謂為手足之足。註曰。所以丁生於足者。四支為諸臟之本也。殊屬可哂。

因而和之。是謂聖度。此二句之上下文。皆通論陰陽氣血。是此二句。不過言聖人之於身內陰陽氣血。使和平而合度耳。乃王冰以和字作入房交合解。註曰。因陽氣盛發。中外相應。買勇有餘。乃相交合。則聖人交會之制度也。其亦太着迹矣。

▲陰陽應象大論篇第五

能知七損八益。則二者可調。不知用此。則早衰之節也。王冰謂用謂房色也。女子屬七可損。男子屬八宜益。不知此理。而好行房事。則早衰云云。此節在王冰必以為煞費苦心。卓有發明矣。不知內經所言養生之道。在於清靜無為。若過於計慮。便非養生之道矣。是此節之大意。能知種種之七損八益之不必計慮。則陰陽可調。不知損益之不必計。而只用此損益之事以勞心。則早衰矣。王冰不知詳上下文。而強作聰明。去原旨遠矣。

▲陰陽別論篇第七

陰者陽別。謂之有子。王冰註陰謂尺中也。顯此註是尺脈搏指。寸脈微弱也。然吾就歷來經驗所得。有孕之脈。沉部搏動滑利。浮部微弱和軟。是此之陰陽。亦宜作浮沉解。王冰拘於尺寸

吾未嘗遇之也。

▲玉機真藏論卷第八

主明則下安。主不明則十二官危。此主字王冰註作心字解。其言曰。心不明則邪正一。邪正一則損益不分。損益不分。則動之凶咎。陷身於羸瘵矣云云。果如其說。則上文所云之官。共止十一。脾胃合為一官。即脾胃分言。亦止十二官。心已在其內矣。以心為主。則十二官不足矣。且上文明言。心者君主之官。亦一官耳。所謂君主。亦不過較諸官稍貴耳。如何便可以心為主。儒言道心為主。人心為奴。釋言佛性為主。人心為奴。道言元神為主。識神為奴。醫書以腦神經為各臟器之主。然亦不明究竟。故名曰神經。是可知人身內自另有一主也。為目前科學所不能及。黃帝則早知及此。故曰主明則下安。主不明則十二官危。至其所以然。因古文尚簡。故未詳述耳。王冰不知細思。因心為君主之官。便妄以君主即主。牽強附會。啓後人以心為主之謬。守而不破。襲謬至今。甚可恨也。

▲五藏生成篇第十

色見青如草茲者死。王冰註蓋滋也。言如草初生之青色也。此語不合。草之初生。嫩綠可愛。與翠羽及縞裏紺何異。正有生氣之色。如何為就死之色哉。吾亦聞人多矣。凡人之將死。其青必得暗。近人疑懸胎生謂蓋當生。為玄色。頗有見也。

▲脈要精微論篇第十七

視精明句。王冰註曰。精明穴名也。在明堂左右兩目內眥也。吾意不然。精明穴雖在兩目內眥。而此視精明之精明。並非穴

名。必係兩目也。下文明白說出。其言曰。夫精明者。所以視萬物。別白黑。審短長。以是為短。以目為長。如是則精衰矣云云。此非指兩目而何。目之關於診斷。最為重要。近世西醫。亦知診察及此。王冰只知精明有一穴名。遂謬來作解。却不思下文尚有頭者精明之腑一語。如精明只可作穴名解。其又將何以解此句乎。

▲玉機真藏論第十九

帝曰。冬脈如營。何如而營。岐伯曰。冬脈者腎也。北方水也。萬物之所以合藏也。故其氣氣沉以搏。故曰營。此營字應作守字解。所謂如石之沉而靜也。乃王冰作動字解。其言曰。脈沉而深如營動也。豈非有語病哉。

▲通評虛實論篇第二十八

乳子而病熱。脈懸小。此懸字應作懸絕之懸。如甚字解。所謂懸小者。其脈甚小。小而無可小者也。乳子之脈本不小。况當病熱。脈宜大。今乃甚小。則非佳兆。故下文曰手足溫則生。寒則死。以心臟雖弱。如手足溫。尚非真弱。否則手足已寒。則難生矣。乃王冰註懸謂如懸物之動也。其可通乎。且將何以解下文脈懸滑之句乎。

▲痰論篇第四十四

白淫曰淫於外。與入房太甚而來。則係精病。乃遺精之重者也。其病在精道。不在溺道。精溺二道。地位並立。然一開則一閉。不能兩開。是白淫之來。必不與溺同行。或在溺後。或在平時。乃王冰註白淫謂白物淫行。如精之狀。男子因洩而下。女

子陰器中綿綿而下也云云。本係精。偏曰如精。已是不合。精不能與溺同下。偏曰因沒而下。更屬不合。

▲病能論篇第四十六

肺氣盛則脈大。脈大則不得假臥。此假字義同仆同倒。不得假臥。即俗語不得眠倒也。因肺氣盛滿。只可坐。而不得臥。或高其枕。仰首倚臥尚可。此病狀。哮喘人所常見。乃王冰註不得假臥謂不得仰臥。顛倒反覆。正成一反比例。究屬何耶。

▲至真要大論篇第七十四

帝曰。服寒而反熱。服熱而反寒。其故何也。岐伯曰。治其王氣。是為反也。王冰註為補益王氣太甚。吾意不然。治其王氣。治字不當作補益解。治者攻治也。治其王氣者。攻治其王氣也。譬如病由熱氣太過。熱氣即王氣也。用大量寒藥。單壓其熱。是所謂治其王氣。壓力愈大。抵抗力亦愈力。物理之常也。治其王氣而反。即此理耳。王冰不加細察。隨以補益解之。所謂補益者。下文久而增氣之事也。故下文明明曰。不治王而然者。補益乃平日服食之事。並非治其王氣之事也。上下誤會。甯可為訓。君臣佐使。非上下三品之謂。本經上中下三品。岐伯明明曰。所以明。之病也。王冰於惡之上。又硬入服餌之道一句。且謂上藥養命。中藥養性。下藥治病。更屬不當。病有虛實。實病用下品為主。虛病用上品為主。皆所以治病也。神農所以因藥之性善惡而分上中下三品者。不過使醫者易知其性而為用耳。王冰所註。粘皮帶骨。殊覺不通。

***** (完)

往來函件

衛生部薛部長鈞鑒茲呈奉 職會 所編中醫新刊第十期五份伏乞 指政內有王宇高所作「請與薛部長討論中醫改良問題」一文 職會同人認為語屬確切急宜實行還祈 鈞長迅予採擇施行實為公便肅敬叩 黨祺

甯波中醫協會謹上 十八年一月三日

敬復者接奉 大札並中醫新刊五冊已均拜悉承 示王君大作論列綦詳欽佩無已自當遵 屬留備參考也端此布復並頌 公祺

薛篤弼敬啓 一月十日

中醫新刊價目表

定價無扣費須先
郵收大洋郵票照算

定價		郵費		廣告價目			
項	目	本埠	本國	日本	歐美	地位	普通地位
一期	一角五分	三分	一分六分	二分	四分	一期	後頁夾張
六期	八角五分	一分六分	一分	一分二	二分	六期	費須外加
十二期	一元五角	三分	一分六分	二分	四分	十二期	
						全頁	
						十元	
						五十元	
						九十元	
						四十五元	
						二十五元	
						二元五角	
						十二元五角	
						二十三元	
						照列表一律加二分之一	
						特別地位	
						封底或前頁	
						木刻銅版	

中華民國十八年二月十日出版

中醫新刊月刊第十一期

撰述者 甯波中醫協會會員

編輯者 甯波中醫協會常務委員會

經理者 甯波中醫協會執行委員會

發行者 甯波君子營中醫協會

印刷者 甯波崔衡前華陸印局

上海國貨製藥公司宣言

溯自我國西醫代興以遠。感產藥物之用途遞減。每年經濟上之損失。頗足驚人。設再冥然罔覺。無動於中。竊恐我國人民之經濟狀況。將愈不堪問矣。原夫我國藥物之用途。所以大受打擊者。厥有數因。業此者祇圖厚利。不問改良。字招上雖曰虔修。雖曰道地。試問事實上能否若此。再我國方藥頗有奧妙之處。例如取氣藥應少煎。取味藥應多煎。或有此多因。因有目中。醫官料飲之。猶需時。倉猝間不能立辦。手續煩。猶如今日之槍炮者。不過感不便。其其次如藥味強烈。相角逐。嘔。有此多因。因有目中。醫官料飲之。猶需時。日之引。西醫藥丸藥粉。猶如今日之槍炮者。不過感不便。其其次如藥味強烈。相角逐。嘔。有此多因。因有目中。醫官料飲之。猶需時。負之數。昭在人耳目。或改舊有丸散之舊觀。中人等有感於此。爰有本公司之組織。相角逐。嘔。有此多因。因有目中。醫官料飲之。猶需時。或配數。味以成方。或改舊有丸散之舊觀。中人等有感於此。爰有本公司之組織。相角逐。嘔。有此多因。因有目中。醫官料飲之。猶需時。自信者也。

附告

經理 製藥部主任 葉山陀 謹啟

上海中國醫學院 藥學教授 葉山陀

一、醫藥問題。關係至為重大。本公司之組織。不特挽回利權。杜塞漏卮。而對於中醫前途之革新。莫不有深切之利害。應請各界。加以注意。尤其是醫藥界。所有出品。概屬中華國產。並請著名藥劑師。用科學方法化驗。認為確著明效而無些微弊病者。用敢問世。本公司所有出品。皆由多數醫生。考證及實驗。並請著名藥劑師。用科學方法化驗。認為確著明效而無些微弊病者。用敢問世。本公司目下先出數種。逐漸擴充。增加出品。並請著名藥劑師。用科學方法化驗。認為確著明效而無些微弊病者。用敢問世。無論各界。願經售本公司出品者。概作八折計算。先繳貨價之半數。另覓相當保人。每年分三節清結。通信處上海小西門外黃家關路中國醫學院。

益肺片

益肺片。係肺病專家歷代之經驗方。頗著奇效。而無傷正氣。培固本元。而無滋膩滯膈之弊。誠不易得之良方也。對士脫林。石灰鹽等。煤治肺病。堪稱特效。且有殺菌防腐之功。而無傷正氣。培固本元。而無滋膩滯膈之弊。誠不易得之良方也。對士脫林。石灰鹽等。益肺氣。定咳化痰。開胃壯神。主治肺癆咳嗽。痰中帶紅。飲食少進。面色痿黃等症。每飯後服二片。每日三服。開水送下。每瓶五十片。實售大洋一元四角。外埠函購。郵票通用。寄費加一。

總經售處

發行所 中國醫學院 上海小西門外黃家關路

大成書院 上海北四川路寶興路口

上海山東路二百廿五號 上海東寶興路鐵路旁

上海浙江路洪德里 上海雲南路安康里